



115, 497

QUÆSTIO MEDICA,  
CARDINALITIIS DISPUTATIONIBVS

*manè discutienda in Scholis Medicorum die Iovis  
vigesimo secundo Martii.*

M. JOANNE HAMON, Doctore Medico  
Præside.

*An ut reliqui potus, sic & aquæ modus aliquis esse debet?*

I.

**H**OMO simul natus eger. Egestatis ratio, corpus varium & mutabile. Mutationem affert perpetuum effluuium. Res arcitur cibo & potu. Utrumque recens nato lac præstat. Id stomacho exceptum & subactum transit in naturam sanguinis, nullâ similitudine relictâ. Dissimilitudinem facit  $\pi\delta\ \delta\psi$  ventriculi, quod integrum pulchre agit, vitiosum inquinat & prima morborum labe evadit. Homo grandior, & solidiori cibo & potu distincto indigere voluit, quamvis lac satis fuisset usui & salubritati. Cibus sine arte apparatus, & solius calore solis excoctus, fructus. Potus obuius &  $\epsilon\upsilon\pi\acute{o}\tau\epsilon\varsigma$  aqua. Utroque usi primi homines. Ex quo cœpit genus humanum expoliri, cœpit & voluptatis artes invenire. Hinc intemperantiæ solertiâ, & gulæ delicatioris studio, potus sibi comparavere jucundiores, omnium bonitatem utilitate metientes. Ex vite vinum expresserunt, liquorem omnium optimum; aquo habent, ut non sitientes bibant. Desideratâ vite, positionem è frugibus, fructibus, herbis, radicibus, melle, & saccha-

2

ro antiquis haud ignoto, sibi fecerunt, Ζυμάσι & velut quādam putredine adornantes. Cerevisia, pomatium, hydromel potionum à vino excellentissimæ. Ad has omnes impellit & gustus voluptas, & grator totius corporis affectio, cujus utriusque auctor, spiritus fervens, qui ab iis educitur.

## II.

**B**IBENDI necessitas, quandoque major, quandoque minor, pro majori aut minori corporis jacturâ, quam aer; exercitatio, animi motus solet asferre. Ideo potiois μέτρον αἰσθησις. Hæc quodammodo circumscribitur consideratâ ἰδιωτίαν vivendi ratione, quibus ex usu & commoditate, æque compertum est, vini heminam per diem homini sufficere, ad renovandum vigorem, ac, quod excedit, esse consuetudinis aut voluptatis, non necessitatis. Vinum minori copiâ, alii liquores majori, prout recedunt à vini dignitate, inebriant. Ebrietas à spirituum abundantia, & vaporum caput occupantium. Inde à ratione defectio, oculorum collachrymatio, & corporis titubatio, inertia, & in somnum horum malorum medelam, propensio. Εὐφύημα, herbæ Thè, Sinarum & Japonum delicia; confectus potus è fabâ Caffè Asiaticorum suavium; dulcicula mistura Chocolatæ colliquefacta in potione, Mexicanorum voluptas, licet præsentem aut imminensem ebrietatem arceant, cum modo tamen debent hauriri, ne, si secus fiat, hilaritatem & molestiæ oblivionem adducentes, quod semper præstant, unâ dormiendi impotentiam asferant, quod non raro in iis qui frequentius, & fere semper in iis qui insolentius utuntur, faciunt.

## III.

**A**QUA rei omnis viventis potus, omnia per omnia connutrit. Non est corpus simplex sed, compositum. Destillata & iterum destillata in laminas abit tenues: ferrum rodit: è cupro æruginem accipit: adeo ut sal acidum illi inesse consistendum sit. Ligneæ vasa aeri, impervia, permeans, aera vincit tenuitate. In nullo non fere corpore compareret, in erutis tamen nulla est, nisi admodum paucis. Hinc chymicæ opinionis inanitas, quæ fert etiam ex auro aquam elici. Ex eâ plantæ quæ κυκλοφορητικῆς nutriuntur, crescunt & concrescunt, nec non & pinguescunt pisces. In terrâ macrâ & velut mortuâ, si modo aqua affundatur pura, salix legitimam acquirit molem, manente terræ eodem fere pondere. Menta in aqueo vasculo & radices agit & folia profundit. Qui ludit in aquâ piscis usque perseverat nullo aliunde submini-

3

strato alimento. Pinnis consistit tantum, visculâ aere plenâ, quam muscoli modo arctant, modo dilatant, deorsum tendit, aut sursum evehitur, caudâ celeri, ut remo, motum promovente & accelerante. Aquatili pecori spiritus ab aquâ. Hæc mutationis capax varias sustinet formas & figuras, virtute caloris innati qui à totius compage non distinguitur.

I V.

**U**TILITAS aquæ, ut dissolvat cibum, qui fluidior secedit per angustos vasorum tubulos; ut iners alimentum acceleret, spissum solvat, acre obtundat, salsum mitiget; ut serosam colluviem transvehat per renes, qui tamen nimio labore flaccescunt. Ut enim aqua usque fluens saxa reddit lævia, sic largius pota, levitatem affert partibus. Quemadmodum aqua bona vel mala, foetus est loci salubris aut insalubris, sic aqua optima, ad usûs mensuram, sanitatem; vitiosa etsi pauca, morbos parit. Bibulas glandulas subiens, scirrhum, febrim quartanam, hydropis omne genus, diarrhœam, dysenteriam, meiendi difficultatem, calculum, bronchocele, intestini prolapsum, tabem producit, vitiat sanguine, & partibus contaminatis. Debet esse limpida, levis, suavis; dotes, quibus locupletatur à motu suo æquabili, & solis illustri virtute. Non omnino bona, quæ per arenas erumpit; arenas quippe sal sibi adjungit meliorem aquæ partem. Pluvialis Spiritu & sale foeta, satis potius quàm animantibus commoda. Aquæ beneficium, gustum à præjudicatâ opinione integrum servat, firmat viscera, humores continet, & si quæ fuligo prospectum eripiat oculis, illicò dissipat. Quinetiam prodest glacie algida ad amovendos graviores morbos, ut comprobatum in Indiâ, Hispaniâ, Provinciâ, quia verat falsi feri conceptum calorem.

V.

**U**T ergo vini cerevisiæ, pomatii, hydromelitos, & reliqui potus certa est mensura, sic & aquæ. Vinum senum spes, incontinentium solatium, pauperum divitiæ, ἀπεργμόνων occupatio, intemperantius viventium Deus, minori mole sufficeret, si non prohiberet hominum intemperies. Una vini hemina, duabus circiter heminis cerevisiæ æquatur. Liquores spiritûs pleni, hausti liberalius, mala accersunt bene multa, maximè renum impedimenta & articulorum. Aquæ mensuram corporis indoles definit. Satisfaciendum pro sensu, cui tamen non ita fidendum quin dijudicet ratio, ne à fallaci sensu, error. In bilem & succum melancholicum decedens aqua nimia, sitientem biliosum & melancholicum

offendit, labefactato stomacho, & liene aucto. Ascite laboranti & aquam avidè expetenti, guttulæ aliquot sunt concedendæ, quia fœgitivum solatium auctâ morbi causâ, urgenteque suffocationis periculo, celeris pœnitentia licet sera & plerumque inutilis sequitur. Aqua commorans *πλημυξίδα* facit, quæ diluens succum dissolvendo cibo destinatum, ventriculum inertem & impotentem facit. Eadem si absque morâ exiliat, humiditatem corpori utilem prædat, siccat corpus, calorem augeat, sitim *ἑσπικεῖται* non sedat. Hinc illa *φιλαδυναμίω* *ἐτίθη*. Ideo morborum acutorum vis elevatur non aquâ multâ, sed potu *ἀπὸ χλοῆς*, ex hordeo, tritico, myrto, punico, vino *ἐνὸς* *μῶ* si caput vacet dolore, *ἀνὸς* *μῶ* si aliqua sit offensio, aquâ tantum identidem permixta.

*Ergo ut reliqui potus, sic & aque modus aliquis esse debet.*

Proponēbat NICOLAUS BRUNEL DE LA CARLIERE,  
Lexoviensis Baccalaureus Medicus. A. R. S. H. 1685.

---

Apud Franciscum Muguet, Regis & Facultatis Medicinæ Typographum.